

Ti ga *San Ninculuó*, che guárda el máre,
L'apuóstulo *San Pjro* in çeïma oûn mónto;
In miézo — reïva *dûi culuóne* di álto
E al nóstro prutetúr, veïva *San Marco*.

Veïva *San Márco* e veïva i *Vinziáni*,
Veïva *Sánta Mareia* de la *Saloûte*;
E *San Françisco* in çeïma oûn muntisiélo,
E la *Saloûte* zi *Dreio Castiélo*³⁾.

³⁾ È un canto d'*addio*, in cui si ricordano alcune delle chiese o contrade piú notevoli della città.

19.

A gira oûn páre cun dúdese feilgi,
E ugnóun de lúri i vía trénta filgióli;
E cusseï biánchi doûti, cúmo i zeilgi,
Chi superíva li ridénti viúle.
El páre suóo, 'l nu sa chi i rasumeilgi.
Se oûn el gira biél, l'áltro el sumjíva el súle.
Murémo doûti, chi siémo murtáli;
Che, del riésto, i signémo doûti unguáli¹⁾.

¹⁾ È, come si vede, un indovinello e significa: *l'anno, i dodici mesi e i trenta giorni*.

